



Хөвсгөл аймаг дахь
Төрийн аудитын газар

**“УЛСЫН ТӨСВИЙН 2024
ОНЫ ХӨРӨНГӨ
ОРУУЛАЛТЫН
ТӨЛӨВЛӨГӨӨНИЙ
ХЭРЭГЖИЛТ”**

ХУРААНГУЙ ТАЙЛАН

Аудитын код: ГНАГ-2025/06-02-ШТА-НА

Аудитын гол дүгнэлт:

Улсын төсвийн хөрөнгө оруулалтаар хэрэгжүүлэхээр төлөвлөсөн төсөл арга хэмжээний 86.4 хувийг бүрэн гүйцэтгэж, гэрээг дүгнэж хүлээн авсан байна.

Тайланг: Хөвсгөл аймгийн иргэдийн Төлөөлөгчдийн Хурал, Засаг дарга, Хөгжлийн бодлого төлөвлөлт, хөрөнгө оруулалтын хэлтэс, Орон нутгийн өмчийн газар, Хөвсгөл барилга захиалагчийн хяналтын төв ААТҮГ-т тус тус хүргүүлсэн.

Аудитын тайлангийн дэлгэрэнгүйг open.audit.mn цахим хаягаар орж үзнэ үү.

Мөрөн сум
2025 он


Ерөнхий мэдээлэл:

Аудитыг Төрийн аудитын тухай хуулийн 6 дугаар зүйлд заасан Төрийн аудитын байгууллагын бүрэн эрх, Улсын Их Хурлын Төсвийн байнгын хорооны 2024 оны “Аудитын сэдэв батлах тухай” 05 дугаар тогтоол, МУЕА-ын баталсан төлөвлөгөөг үндэслэн гүйцэтгэлээ.

Монгол Улсын 2024 оны төсвийн тухай хуулийн 2 дугаар хавсралтаар Хөвсгөл аймагт 2024 онд улсын төсвөөс 456,093.3 сая төгрөгийн төсөвт өртөгтэй 100 төсөл арга хэмжээг хэрэгжүүлэхээр баталсан байна.

Үүнээс: Хөвсгөл аймгийн төсвийн ерөнхийлөн захирагч буюу аймгийн Засаг даргад 38,550.4 сая төгрөгийн төсөвт өртөгтэй 29 төсөл арга хэмжээг эрх шилжүүлэн хэрэгжүүлсэн байна. Эрх шилжсэн хэрэгжсэн төсөл арга хэмжээнээс 35,434.4 сая төгрөгийн төсөвт өртөгтэй 26 нь шинээр, 3,116.0 сая төгрөгийн төсөвт өртөгтэй 3 төсөл арга хэмжээ өмнөх оноос шилжиж хэрэгжсэн байна.

Эрх шилжин хэрэгжсэн 29 төсөл арга хэмжээний санхүүжилтэд 2024 онд 17,706.3 сая төгрөг олгохоор төлөвлөж гүйцэтгэлээр 11,222.5 сая төгрөгийн санхүүжилтийг олгосон байна.



Төлөвлөлт:

Улс болон аймгийн хөгжлийн хөтөлбөр, төлөвлөгөөний аль альтай нь уялдуулан төлөвлөсөн дараах 6-н төсөл арга хэмжээ байна. Үүнд:

- Аялал жуулчлалын "Соёмбо" цогцолбор /Хөвсгөл, Мөрөн сум/
- Сургуулийн барилга, 320 суудал, спорт заал /Хөвсгөл, Цагаан-Үүр сум/
- Дэлхийн шилдэг хүүхдийн зохиол болон ерөнхий боловсролын сургуулийн ном Эмнэлгийн барилгын өргөтгөл, 15 ор /Хөвсгөл, Алаг-Эрдэнэ сум, Хатгал тосгон/ын фонд, тоног төхөөрөмж /Хөвсгөл/
- Эмнэлгийн тусламж, үйлчилгээний автомашин /Хөвсгөл/
- Эрүүл мэндийн салбарын тоног төхөөрөмж /Хөвсгөл/
- Хөдөөгийн сумдын харилцаа холбооны тоног төхөөрөмж /Хөвсгөл/

Улсын төсвийн хөрөнгө оруулалтаар хэрэгжсэн төсөл арга хэмжээний 15.5 хувь нь улсын хөгжлийн хөтөлбөр, төлөвлөгөөтэй, 71.0 хувь нь аймгийн хөгжлийн хөтөлбөр, төлөвлөгөөтэй уялдсан байдлаас харахад орон нутгийн хэрэгцээ шаардлагад нийцэж байгаа ч улсын хөгжлийн үзүүлэлтийг хангах хэмжээд төлөвлөөгүй байдал ажиглагдаж байна.

Улсын төсвийн хөрөнгө оруулалтаар 2024 онд хэрэгжихээр эрх шилжиж ирсэн 26 төсөл арга хэмжээнээс 22 төсөл арга хэмжээний Нийгэм, эдийн засгийн үр ашиг, ач холбогдлыг тооцоогүй байна.

Шинээр хэрэгжихээр эрх шилжин ирсэн 26 төсөл арга хэмжээнээс 19 төсөл арга хэмжээ хөрөнгийн ашиглалтай холбоотой урсгал зардлын тооцоолол хийгээгүй байна.

Зураг, төсөвтэй бтөлөвлөлтийн шаардлага хангаагүй 8,394.0 сая төгрөгийн төсөвт өртөгтэй 3 төсөл арга хэмжээ байна. Үүнд:

- Ахмадын өргөөний барилга /Улаан-Уул, Эрдэнэбулган сум/ төсөвт өртөг 960.0 сая төгрөг
- Нийтийн халуун усны барилга / Бүрэнтогтох сум/ / төсөвт өртөг 576.0 сая төгрөг
- Сургуулийн барилга, 320 суудал, спорт заал / Цагаан-Үүр сум/ төсөвт өртөг 6,858.0 сая төгрөг

Өмнөх оноос шилжиж хэрэгжсэн 20.0 сая төгрөгийн төсөвт өртөгтэй “Багийн хөгжлийг дэмжих хөтөлбөр Багц-7” төсөл арга хэмжээний хүрээнд нийлүүлсэн тоног төхөөрөмжийг Төрийн хэмнэлтийн тухай хуулийн 13 дугаар зүйлийн 13.4.41 дэх заалтыг зөрчсөн гэж үзэн Сангийн яамнаас төлбөрийн хүсэлтийг баталгаажуулаагүй тул санхүүжилтийг олгоогүй байна.

Тус төсөл арга хэмжээ нь 2022 оноос хэрэгжиж эхэлсэн тул Төрийн хэмнэлтийн тухай хуулийн 22 дугаар зүйлийн 22.22-т заасан хязгаарлалтад хамаарахгүй байна.

Улсын төсвийн хөрөнгө оруулалтаар хэрэгжих төсөл арга хэмжээг шаардлагад нийцүүлэн төлөвлөөгүйгээс 8,394.0 сая төгрөгийн 3 төсөл арга хэмжээ хэрэгжээгүй байна.



Гүйцэтгэл:

Худалдан авах ажиллагааны хувьд:

Төсвийн ерөнхийлөн захирагчдаас Хөвсгөл аймгийн хэмжээнд шинээр хэрэгжих 26 төсөл арга хэмжээнээс 29,941.5 сая төгрөгийн төсөвт өртөгтэй 24 төсөл арга хэмжээний худалдан авах ажиллагаа зохион байгуулах эрхийг шилжүүлсэн байна. Төрийн худалдан авах ажиллагааны газарт 5,492.0 төгрөгийн төсөвт өртөгтэй 2 төсөл арга хэмжээний худалдан авах ажиллагааг зохион байгуулсан байна.

Улсын төсвийн хөрөнгө оруулалтаар 2024 онд эрх шилжин хэрэгжих төсөл арга хэмжээний худалдан авах ажиллагааны төлөвлөгөөг аймгийн Засаг даргын 2024 оны 01 дүгээр сарын 06-ны өдрийн А/06 дугаар захирамжаар баталж, тендер зарлах огноог 2024.01.15-ны өдрөөр тогтоосон боловч төлөвлөгөөнд заасан хугацааг баримтлаагүй байна.

Улсын төсвийн хөрөнгө оруулалтаар 2024 онд шинээр хэрэгжих эрх шилжсэн 26 төсөл арга хэмжээнээс 24 төсөл арга хэмжээг 42 багц болгон 75 удаа тендер шалгаруулалтыг зохион байгуулж 27 гүйцэтгэгчтэй гэрээ байгуулж нийт 439.1 сая төгрөгийн тендерийн хэмнэлт гаргасан байна.

¹ 13.4.4.багийн төв, хорооны засаг захиргааны зориулалттай барилга барих, тохижуулах, засварлах, тоног төхөөрөмж худалдан авах;

² Энэ хуулийн 13.3, 13.4 дэх хэсэг улсын болон орон нутгийн төсөв, төрийн болон орон нутгийн өмчит хуулийн этгээдийн 2023 оны төсвийн жилээс эхлэн шинээр тусгах хөрөнгө оруулалтын төсөл, арга хэмжээнд хамаарна.

Санхүүжилт:

Улсын төсвийн хөрөнгө оруулалтаар 2024 онд шилжих хөрөнгө оруулалт 3, шинээр хэрэгжих 26 төсөл арга хэмжээ, нийт 29 төсөл арга хэмжээг 38,550.4 сая төгрөгөөр хэрэгжүүлэхээр аймгийн Засаг даргад эрх шилжүүлсэн ба 2024 онд 17,706.3 сая төгрөгийн санхүүжилтийг олгохоор баталсан байна.

тендер шалгаруулалтыг хуулийн хугацаанд зохион байгуулах боломж бүрдээгүй, оролцогч ороогүй, зураг төсөлгүйгээс худалдан авах ажиллагааг зохион байгуулаагүй зэргээс шалтгаалан ажил оройтож эхэлсэнтэй холбоотой байна.

Тайланд онд бүрэн хэрэгжсэн төсөл арга хэмжээний үр дүнг хүлээн авах ажлын хэсэг, комисс актаар хүлээн авч, тус актыг үндэслэн гүйцэтгэлээр санхүүжилтийг олгосон байна.

Хөрөнгө оруулалтын төсөл, арга хэмжээг ажлын гүйцэтгэлд үндэслэн ажлын гүйцэтгэлд 10,429.0 сая төгрөг, зураг төсвийн зардалд 200.4 сая төгрөг, техникийн хяналтад 106.1 сая төгрөг, зохиогчийн хяналтын зардалд 42.4 сая төгрөгийн санхүүжилтийг олгож, барьцаа хөрөнгийн дансанд 808.1 сая төгрөгийг төвлөрүүлсэн байна.

Барьцаа хөрөнгийн дансанд төвлөрүүлсэн 808.1 сая төгрөгийн 348.0 төгрөг нь 3 төсөл арга хэмжээний үлдэгдэл санхүүжилт болгон төвлөрүүлсэн байна.

Улсын төсвийн хөрөнгө оруулалтаар хэрэгжүүлэхээр ТЕЗ-д эрх шилжиж ирсэн 29 төсөл арга хэмжээний 15 төсөл арга хэмжээг 2024 онд, 4 төсөл арга хэмжээг 2025 онд, 7 төсөл арга хэмжээг 2026 онд хэрэгжүүлж дуусгахаар төлөвлөсөн байна.

Тайланд онд хэрэгжүүлэхээр төлөвлөсөн төсөл арга хэмжээний гүйцэтгэл 86.4 хувьтай байгаа хэдий ч Төсвийн тухай хуульд заасан хугацаанд бүрэн хэрэгжүүлээгүй нь төлөвлөлтийн шаардлага хангаагүй төсөл арга хэмжээг төлөвлөснөөс тендер шалгаруулалтыг оройтож зарласантай холбоотой байна.

Барилга, байгууламж, тоног төхөөрөмж:

Улсын төсвийн хөрөнгө оруулалтаар хэрэгжих 53 багц арга хэмжээний 24 арга хэмжээ нь барилга байгууламж, 27 арга хэмжээ нь тоног төхөөрөмж, 2 арга хэмжээ нь их засвар байна.

Тайланд онд хэрэгжсэн 25 арга хэмжээг захиалагч техникийн тодорхойлолтод заасны дагуу нийлүүлсэн эсэхийг хүлээж авах ажлын хэсэг тухай бүр мэргэжлийн чиглэлийн албан хаагчдыг оролцуулан акт үйлдэж хүлээн авсан байна.

Барилга байгууламжийн ажлын гүйцэтгэлд захиалагч, зохиогч нь Барилгын тухай хуульд заасан эрх хэмжээний хүрээнд хяналтыг хэрэгжүүлж ажиллахаар зохицуулсан байна.

Улсын төсвийн хөрөнгө оруулалтаар хэрэгжиж буй барилга, байгууламжийн ажлын үе шатны хяналтыг Барилгын тухай хуулийн 37 дугаар зүйлийн 37.1.43 дэх заалтыг үндэслэн Хөвсгөл аймгийн Барилга, захиалагчийн хяналтын төв ААТҮГ-т шилжүүлж, тухайн хяналтыг төлөөлүүлэн хэрэгжүүлсэн байна.

Тайланд онд хэрэгжсэн дараах төсөл арга хэмжээг зураг төслийн дагуу гүйцэтгээгүй байна.

Үүнд:

- Аялал жуулчлалын "Соёмбо" цогцолбор /Хөвсгөл, Мөрөн сум/ төсөл арга хэмжээний "Гадна хашаа хайс"-ын тулгуур шонг зураг төсөлд 2 метрийн урттай 80х80 мм хэмжээтэй квадрат багана байхаар төлөвлөсөн боловч 1.7 метр урттай 50х50 мм хэмжээтэй квадрат төмөр ашигласан бөгөөд зохиогчийн нэгдсэн дүгнэлтэд барилга бүтээц, зураг төсөлд орсон өөрчлөлтгүй гэж дүгнэсэн. Иймд зөрүү дүн болох 3,072,400 төгрөгийг барьцаа хөрөнгөөс суутгах албан шаардлага тогтоохоор шийдвэрлэв.

Тус төсөл арга хэмжээний зургийг "Онч Тэнхлэг" ХХК гүйцэтгэсэн бөгөөд 2021 оны 12 дугаар сарын 21-нд Барилгын хөгжлийн төвөөр магадлал хийгдсэн байна.

- Бэлчээрийн усан хангамж төсөл арга хэмжээний хүрээнд Мөрөн, Бүрэнтогтох, Их-Уул, Рашаант, Эрдэнэбулган суманд баригдах худгийн барилга байгууламжийн хэмжээ нь БА-2 зурагт заасны дагуу

³ барилгын үе шатны ажилд хяналтыг хэрэгжүүлэхдээ энэ хуулийн 33.1.20-д заасан гэрээг байгуулж ажиллах;

тэнхлэгээрээ 3.5x4 метр, таазны өндөр шалны түвшнээс 2.8 метр байхаар төлөвлөсөн боловч дээрх 5-н худгийн барилгыг тэнхлэгээрээ 3x3 метр, таазны өндрийг 2.3 метрийн өндөртэйгөөр барьсан байна.

Хөвсгөл барилга захиалагчийн хяналтын төвийн 2024.11.15-ны өдрийн НД-152/2024 нэгдсэн дүгнэлтэд худгийн барилгыг тэнхлэгээрээ 3x3 метр, таазны өндрийг 2.3 метрийн өндөртэйгөөр барьсан гэж дүгнэсэн боловч Зураг төсөлд орсон өөрчлөлтөд зохиогчоос зөвшөөрөл аваагүй байна.

Зохиогч “Амдо наяд” ХХК-аас 2024.05.25-ны өдөр барилгын ажлын явцад зохиогчийн хяналт хийж гаргасан дүгнэлтэд тус барилга байгууламжийн арагт бүтээцийн хэмжээнд орсон өөрчлөлтийн талаар дурдаагүй байна.

Хөрөнгийн бүртгэл:

Улсын төсвийн хөрөнгө оруулалтаар хэрэгжсэн төсөл арга хэмжээний хүрээнд бий болсон хөрөнгийг аймгийн орон нутгийн өмчийн газрын даргын тушаалаар эзэмшигч байгууллагын үндсэн хөрөнгөд бүртгэх шийдвэрийг тухай бүр гаргасан байна.

Тайланд онд аймгийн Орон нутгийн өмчийн газрын даргын тушаалаар 4,189.6 сая төгрөгийн дүнтэй 1,256 ширхэг тоног төхөөрөмжийг 94 төрийн байгууллагын үндсэн хөрөнгөд бүртгэсэн байна.

Загас үржүүлгийн баазын тоног төхөөрөмж /Хөвсгөл, Цагааннуур сум/ төсөл арга хэмжээний хүрээнд бий болсон хөрөнгийг аймгийн ОНӨГ-ын даргын 2024 оны А/45 дугаар тушаалаар аймгийн Байгаль орчин аялал жуулчлалын газарт 10 төрлийн 12 ширхэг нийт 623.6 сая төгрөгийн хөрөнгийг эзэмшүүлэхээр шийдвэрлэсэн боловч бүртгэлд тусгаагүй байна.

Улсын төсвийн хөрөнгө оруулалтаар хэрэгжсэн 5-н төсөл арга хэмжээний хүрээнд ашиглалтад хүлээн авсан 2,868.2 сая төгрөгийн 10 барилга байгууламж бий болсон байна. Улсын төсвийн хөрөнгө оруулалтаар бий болсон 2,686.6 сая төгрөгийн төсөвт өртөгтэй 4 төсөл арга хэмжээ бүртгэлд тусгаагаагүй байна.

Өмнөх аудитаар өгсөн шийдвэрийн хэрэгжилт:

Өмнөх оны аудитаар 1 төлбөрийн акт, 8 албан шаардлага, 8 зөвлөмж өгсөн бөгөөд төлбөрийн актын биелэлт 100%, албан шаардлагын биелэлт 75%, зөвлөмжийн биелэлт 93.3% байна.

Аудитаар албан шаардлага, зөвлөмжийн хэрэгжилтийн гүйцэтгэлийг дахин хянахад дараах албан шаардлага, зөвлөмжийн биелэлт хангалтгүй байна. Үүнд:

- Хөвсгөл барилга захиалагчийн хяналтын төвд хүргүүлсэн албан шаардлага: Төрийн аудитын газрын 2024 оны 04 дүгээр сарын 19-ний өдрийн 78/А2270438/ХӨА-2024/28-21-ШТА-ГА дугаартай “Цагаан-Үүр, Чандмань-Өндөр сумдын ахмадын төвийн барилгын ажлыг гэрээнд заасан хугацаанд, зураг төслийн дагуу гүйцэтгүүлээгүй, Чандмань-Өндөр сумын ахмадын төвийн барилгын шат, суурийн хаяавчид хараграл өгсөн” Зөрчил арилгах албан шаардлагыг биелэлттэй танилцахад өмнөх зөрчлийг арилгаагүй байна.
- Хөвсгөл барилга захиалагчийн хяналтын төвд хүргүүлсэн зөвлөмж: Төрийн аудитын газраас хүргүүлсэн “Зураг, төсөв, техникийн шаардлагын дагуу гүйцэтгээгүй ажлуудын зөрчлийг арилгуулах, захиалагчийн хяналтын үр нөлөөг сайжруулах.” Зөвлөмжийн хэрэгжилт хангалтгүй бөгөөд өмнөх онд гарсан зөрчил давтагдсан байна. Үүнд:
- Аялал жуулчлалын “Соёмбо” цогцолбор /Хөвсгөл, Мөрөн сум/ төсөл арга хэмжээний “Гадна хашаа хайс”-ын ажлыг зураг төслийн дагуу гүйцэтгээгүй.
- Бэлчээрийн усан хангамж төсөл арга хэмжээний хүрээнд Мөрөн, Бүрэнтогтох, Их-Уул, Рашаант, Эрдэнэбулган суманд баригдах худгийн барилга байгууламжийг зураг төслийн дагуу гүйцэтгээгүй.
- Өмнөх онд хэрэгжсэн “Цагаан-Үүр, Чандмань-Өндөр сумдын ахмадын төвийн барилгын ариутгах татуургын гадна шугамын ажил, бохир усны цооногийн ажил /V=10м3/-ыг зураг төслийн дагуу гүйцэтгээгүй.

АУДИТЫН ДҮГНЭЛТ:

Аудитын явцад цуглуулсан нотлох зүйл, аудитын дүнд үндэслэн дараах дүгнэлтийг хийж байна.

1. Улсын төсвийн хөрөнгө оруулалтаар хэрэгжсэн төсөл арга хэмжээний 15.5 хувь нь улсын хөгжлийн хөтөлбөр, төлөвлөгөөтэй, 71.0 хувь нь аймгийн хөгжлийн хөтөлбөр, төлөвлөгөөтэй уялдсан байдлаас харахад орон нутгийн хэрэгцээ шаардлагад нийцэж байгаа ч улсын хөгжлийн үзүүлэлтийг хангах хэмжээд төлөвлөөгүй байдал ажиглагдаж байна.
2. Улсын төсвийн хөрөнгө оруулалтаар 2024 онд хэрэгжихээр эрх шилжиж ирсэн 26 төсөл арга хэмжээнээс 22 төсөл арга хэмжээний нийгэм, эдийн засгийн үр ашиг, ач холбогдлыг тооцоогүйгээс барилга байгууламж ашиглалтгүй орхигдох эрсдэлийг дагуулж байна.
3. Зураг төсөв нь батлагдаагүй 8,394.7 сая төгрөгийн 3 төсөл арга хэмжээний эрх шилжүүлсэн тул худалдан авах ажиллагааг зохион байгуулах боломж бүрдээгүй, төсөл арга хэмжээний эрх шилжүүлэхдээ хууль тогтоомжид заасан хугацааг баримтлаагүй тул тогтоосон хугацаанд худалдан авах ажиллагааг зарлаж гүйцэтгэгчийг шалгаруулах боломж бүрдээгүй байгаа зэргээс шалтгаалан хөрөнгө оруулалтын төлөвлөгөөний хэрэгжилтийг бүрэн хангахгүй байна.
4. Улсын төсвийн хөрөнгө оруулалтаар тайланд онд хэрэгжүүлэхээр төлөвлөсөн төсөл, арга хэмжээний санхүүжилтийн гүйцэтгэл 86.4%-тай бөгөөд санхүүжилтийг гүйцэтгэлээр олгосон байна.
5. Улсын төсвийн хөрөнгө оруулалтаар бий болсон 3,999.7 сая төгрөгийн хөрөнгийг бүртгэлд тусгаагүй нь аймгийн Засаг даргаас үл хөдлөх хөрөнгийг төрийн болон орон нутгийн өмчит хуулийн этгээдэд эзэмшүүлэх саналыг Төрийн өмчийн бодлого зохицуулалтын газарт хүргүүлж шийдвэрлүүлдэгтэй холбоотой хүлээгдэж байна.
6. Өмнөх аудитаар өгсөн албан шаардлагыг үр нөлөөтэй хэрэгжүүлж ажиллаагүйгээс зөрчил давтагдан гарч байна.

АУДИТЫН ЗӨВЛӨМЖ:

Аймгийн Засаг даргад:

- Улсын төсвийн хөрөнгө оруулалтаар бий болсон хөрөнгүүдийн ашиглалтыг сайжруулж, үр өгөөжийг нэмэгдүүлэх
- Тендер шалгаруулалтын баримт бичгийг хуульд заасан эрх хэмжээний хүрээнд батлах.

Аймгийн Засаг даргын тамгын газрын Хөгжлийн бодлого төлөвлөлт хөрөнгө оруулалтын хэлтэст:

- Улсын төсвийн хөрөнгө оруулалтаар шинээр хэрэгжих төсөл арга хэмжээг шалгуурын дагуу бүрэн үнэлж, хөрөнгийн ашиглалтай холбоотой урсгал зардлын тооцоолол хийж байх.
- Улс төсвийн хөрөнгө оруулалтаар хэрэгжих төсөл арга хэмжээний төлөвлөлтийг Төрийн хэмнэлтийн тухай хуультай нийцүүлэн боловсруулах
- Улсын төсвийн хөрөнгөөр 2022 оноос шилжин хэрэгжиж ашиглалтад хүлээн авсан зарим төсөл арга хэмжээний санхүүжилтийг одоо болтол олгоогүй байгааг анхаарч, холбогдох арга хэмжээг авч ажиллах
- Техникийн тодорхойлолтын дагуу хүлээн авах "Бараа" буюу тоног төхөөрөмжид "ажил" буюу "зөвлөх үйлчилгээ"-ний төсөл арга хэмжээг тусган тендерийн баримт бичгийг боловсруулж, худалдан авах ажиллагааг зохион байгуулахгүй байхад анхаарч ажиллах

Аймгийн Худалдан авах ажиллагааны газарт:

- Аймгийн Засаг даргын баталсан худалдан авах ажиллагааны төлөвлөгөөнд заасан хугацааг баримтлан худалдан авах ажиллагааг зохион байгуулах.
- Тендерийн баримт бичигт барааг хүлээн авах газрын байршлыг Тендер шалгаруулалтын зааварчилгаа болон гэрээний тусгай нөхцөлд тодорхой тусгах

- Худалдан авах ажиллагааг зохион байгуулахдаа зураг төсөлгүй багцыг тендерийн баримт бичигт оруулахгүй байх, зураг төсөв дутуу, техникийн тодорхойлолт илтэд алдаатай бол холбогдох журам зааврын дагуу буцааж зөрчлийг арилгаж ажиллах

Аймгийн Орон нутгийн өмчийн газарт:

- Улсын төсвийн хөрөнгө оруулалтаар хэрэгжсэн Загас үржүүлгийн баазын тоног төхөөрөмж /Хөвсгөл, Цагааннуур сум төсөл
- Төсөл арга хэмжээний хүрээнд нийлүүлсэн тоног төхөөрөмжийг аймгийн ОНӨГ-ын даргын 2024 оны А/45 дугаар тушаалаар аймгийн Байгаль орчин аялал жуулчлалын газарт эзэмшүүлэхээр шийдвэрлэсэн боловч бүртгэлд тусгаагүй байна.
- Улсын төсвийн хөрөнгө оруулалтаар 2024 онд хэрэгжсэн "Уурын зуухны шинэчлэл" төсөл арга хэмжээний хүрээнд бий болсон хөрөнгийг УСНББОУС-ыг баримтлан бүртгэлд тусгах
- Улсын төсвийн хөрөнгөөр бий болсон хөрөнгийг холбогдох журам зааврыг баримтлан хуулийн этгээдэд эзэмшүүлэх ажлыг зохион байгуулах.